

# Baez Daih'it

□ Veiz Couyiz / 韦缙怡

Seiqyuz miz haujlai baez daih'it, baez daih'it saeg buh, baez daih'it cawj ngaiz, baez daih'it youz-raemx..... Ngoenzneix gou gangj-gangj gou baez daih'it vix hagseng camgya Gaiq Daihseiq Daengx Gih Siujhagseng Vahcuengh Caizyi Biujyienj Doxdax.

Ngoenzhaenx, gou cingq youq ranzbanhgoeng gaij cozyez, Cinz Ci lauxsae dawz faenh vwnzgen ndeu, ndenq hawj gou naeuz: "Veiz lauxsae, mwngz yawj faenh vwnzgen neix. Gaiq Daihseiq Daengx Gih Siujhagseng Vahcuengh Caizyi Biujyienj Doxdax, bineix lwnz daengz zozyau raeuz camgya, Vuz gyaudauj heuh gou caeuq mwngz guhdoih vix gyoengq hagseng bw. Baenzlawz yiengh?"

Cinz Ci lauxsae gangviah seiz fwngz mizdi saenz, gou daj ndaw fwngz de cieq vwnzgen gvaqdaej, daj gyaiej daengz byai yawj baez ndeu, gangj vah saedcaih, gou yienznaeuz daj Sawcuengh zozyau bizyez, hoeng gou haujlai nanz hix mbouj hag Sawcuengh lo, bingzciengz vihliux hwnjdangz cij bae yawj Sawcuengh, hwnj sat le hix mbouj leix.

Mbatneix daeuj ndaej daengj-nyaenq lai, gou hix ciepsouh mbouj ndaej. Hoeng, lingjdauj hawj raeuz guh, mwngz gamj mbouj dingq ha?

Gou itcig geiq saeh neix youq ndaw hoz, daengz byonghhwnz le, gou hix fan bae boek dauq, baenzlawz

ninz hix ninz mbouj ndaek. Baenzlawz guh ne? Gou caiq hwnjdaej doeg vwnzgen baez ndeu.

Gou siengj, bineix cawjdaez dwg gijmaz? Gou naemj bae ngeix dauq, dwg ciengqyiengj loqsiengj Cung-guek. Deng, deng, deng, gou gag gangj gag riu hwnjdaej, couh yienghneix guh.

Dauqdaej dwg yienj siujbinj, eu fwen roxnaeuz gobwnjgi? Gou caeuq Cinz lauxsae doxyaeng baez ndeu: Danghnaeuz yienj siujbinj, hagseng guh mbouj ok biujcingz, danghnaeuz yienj gobwnjgi, hagseng boih mbouj ndaej baenzlai. Doeklaeng gietdingh eu fwendoj.

Vunz ciengz naeuz: "Gangj ngaih guh hoj ya!" Caemhcaiq lij dwg baez daih'it ne. Daj gizlawz hainduj ne? Eu fwen hix mbouj yungzheih ha! Raeuz bonjdieg miz maz daegsaek ne?

Gou dingqny vnz naeuz Vangz Ligingz lauxsae rox bien fwen, gij fwen de hix ciengq ndaej rwenzriri. Aen siusik neix doiq gou daeuj gangj couh lumj gomiuz seiz mbwnrengx ndaej rwed raq fwn ndeu.

Haemhde cuengqhag lo, gou bae daengz ranz Vangz Ligingz lauxsae, Vangz lauxsae gig gyaunde, lwdga de ndongqrikrik, baez yawj couh rox dwg boux coengmingz lingzleih, de lij dwg boux canghfwen ndawbiengz he, de ak dahraix, ndaej haujlai ciengj gvaq bw!

Gou lwnh saehcingz hawj de rox. De haenh aen siengjap gou gig ndei, hix han naeuz coengh gou.

Vangz Ligingz lauxsae gig muengz, ra seizgan daeuj hagdangz gou son gyoengq hagseng mbouj yungzheih. Vihliux gienh saeh neix, de hix ra seizgan daeuj daengz hagdangz son gyoengq lwnyzeu eu fwen:

Rumzcou ci daeuj vagut hai,  
Yauyenz hai daiz guh doxdax;  
Geij boux doengzhag fwngz doxdax,

Doengzcaeuz aj bak ciengq fwendoj.

Gwnzmbwn ndaundeiq gyoq riengz gyoq,

Guekcoj daihdeih raemx bya ndei;  
Gaeqgim daeuj buenx roegfungh beij,  
Ngoenzneix hwnjdaiz ciengq fwen moq.

Lwnyzeu mboujdan hag vwnzva,  
Hix yaek ca dwz ci dij mej;  
Conzdungj vwnzva cienzciep ndei,  
Minzcuuz gveihbauj doengzcaeuz vat.

(1)



Aen gungx Dahhoengz gvaengz bya heu.

Liz Gezyenz ingj

It

Haeufjug, Namzningz gizgiz lumj feiz nei, ndat dwk byaij roen hanh sinz hanh conh.

Neix dwg aen minzban cunghyoz mizmingz ndeu, cingqcaih demhwnq sam doengh daihlaeuz, gak doengh miz loeg caengz, moix caengz miz haj aen gyausiz hung, bi' gvaq caep baenz, bineix dajcang. Ndaw gyausiz, seiqcib haj boux vunzsai ndwn youq baihnaj bangxciengz gvet hoi, miz mbangj gunghyinz ndwn youq gwnz gyaqdiet sang gvet denhvahbanj.

Gvet hoi, couhdwg bae hau, yienzbonj ciengz dwg cienhuj caep baenz, gvet caengz suiinjiz gyaux

## Lauxdoengz

□ Moz Lijginz / 磨礼勤

sasaq cw ciengzmienh caiq gvet sam caengz hoihau couh ndeiyaewj, guek raeuz ranzyouq haenx dingzlai bangxciengz caeuq gwnz denhvahbanj cungjdwg gvet hau, aenvih gvet hau le, ndaw ranz couh rongh.

"Guh caez sam doengh daih-laueuz neix, aen dieghong hix haihong lo". Dajcang gunghsw h lauxbanj Cinz Giveih doiq song boux daiq-daeuz Lij Danenz caeuq Vangz Gencingh naeuz.

Ngeih

Dingqny Cinz lauxbanj naeuz miz dieghong moq guh, Lij Danenz

caeuq Vangz Gencingh simhai dangqmaz, songde daiq Cinz lauxbanj yawj gunghcwngz yaugoj, gizlawz guh ngamj mbouj ngamj, gizlawz hab baenzlawz guh. Mienh ciengz aeu soh, gehcueng, gehdou aeu gvet seuq, gyonj daeuj gangj, gizgiz yawj swnhda.

Vangz Gencingh caeuq Lij Danenz dwg doengzyieng, song mbanj doxgek cib geij leix roen, cib bi gonq, song vunz de youq Namzningz aen dieghong ndeu gvet hoi roxnaj, song vunz maij youq giz ndeu guhhong, hix doengzcaeuz bae gvaicanhden gwn haeux, Lij Danenz caeuq vunzlai youq aen rug ndeu

ninz, caeuq Vangz Gencingh ndiep-gyaez ndei le, buen daeuj caeuq Vangz Gencingh gyaiej congz daep gyaiej congz ninz, seizgan nanz le, doh caenmaed yied lumj laeujgeq, doxdongx mbouj heuh coh doiqfueng lo, boux heuh boux guh lauxbeix, miz haemh ndeu gyoengqde doxyaeng bae gwn siuyeh, buenq gaen laeuj roengz dungx. Lij Danenz hixnaengz doiq Vangz Gencingh naeuz: "Raeuz gap-doengz suenq lo." Vangz Gencingh yaemhywx mboujdingh, Lij Danenz doq sai rim laeuj Vangz Gencingh gwn bae byongh cenj haenx, naeuz: "Beixnuengx mbouj lau lai, boux-caeuz lau boux ndeu, daeuj, gou gingq mwngz cenj ndeu!" Gangj sat, gwn cenj laeuj haenx caez bae. Vangz Gencingh gwn mbouj ndaej laeuj, vih le hawj naj de hix gwn caez cenj laeuj ndeu, doengzeiq lo.

(1)

